



PRESIDÊNCIA DO CONSELHO DE MINISTROS

VIII GOVERNO CONSTITUCIONAL



Gabinete
Porta-Voz

Komunikadu Imprensa

Sorumutuk Konsellu Ministrus nian iha loron 6 fulan-maiu tinan 2020

Konsellu Ministrus hala'o sorumutuk iha Auditóriu Kay Rala Xanana Gusmão, iha Ministériu Finansas, iha Dili no asiste ona apresentasaun husi Ministru Koordinador Asuntus Ekonómikus, Fidelis Manuel Leite Magalhães, relasiona ho projetu kona-ba Dekretu-Lei, ne'ebé iha relasaun ho moratória atu kumpre obrigaun hirak ne'ebé maihusi kontratu kona-ba fó kréditu iha âmbito polítika ekonómika atu hatán ba COVID-19.

Dekretu-lei ida-ne'e atu fó resposta ba konstranjimentu no difikuldade hirak ne'ebé mosu tanba reseita no rendimentu tuun, ne'ebé iha relasaun ho ekonomia ne'ebé la'o neineik hela tanba efeitu surtu COVID-19 no ba risku husi espirál inkumprimentu nian ida, ne'ebé kria efeitu negativu ba sistema finanseiru no konsekuénsia ba ekonomia réal. Projetu ida-ne'e sei analiza fila-fali iha sorumutuk Konsellu Ministrus nian oinmai.

Konsellu Ministrus aprova ona nomeasaun Timóteo de Deus (vogál efetivu) no Ana Paula Marçal (suplente) hanesan Representante Governu nian iha Konsellu Superiór Ministériu Públiku nian, ne'ebé propoin husi Ministru Justisa, Manuel Cárceres da Costa.

Membro Governu sira aprova ona projetu sira kona-ba Deliberasaun tolu, ne'ebé apresenta husi Ministru Obras Públikas, Salvador Soares dos Reis Pires, kona-ba Memorandu Entendimentu ida no Protokolu Kooperasaun rua ho entidade pública sira Portugál nian.

Projetu dahuluk kona-ba Deliberasaun nian ne'ebé hetan ona aprovasaun refere ba Memorandu Entendimentu entre Ministériu Ekonomia no Empregu Repúblika Portugeza nian no Ministériu Obras Públikas hamutuk ho Ministériu Petróleu no Rekursus Minierais Repúblika Demokrátika Timor-Leste iha domínio Enerjia nian (Eletricidade no Kombustivel), Jeolojia no Minas.



Palácio do Governo,
Avenida Presidente Nicolau Lobato,
Dili, Timor-Leste



PRESIDÊNCIA DO
**CONSELHO
DE MINISTROS**

VIII GOVERNO CONSTITUCIONAL



**Gabinete
Porta-Voz**

Aprova ona mós Protokolu Kooperasaun entre Ministériu Ambiente, Ordenamentu Territóriu no Enerjia Repúblika Portugeza nian no Ministériu Obras Públikas Repúblika Demokrátika Timor-Leste, kona-ba Bee, Saneamentu, Drenajen no Jestaun Rezíduu Sólidu sira.

Ikusliu, membru Governu sira aprova ona Protokulu entre IP Engenharia, S.A. no Ministériu Obras Públikas, Transportes no Komunikasoins Repúblika Demokrátika Timor-Leste nian, iha âmbito Organizasaun no Jestaun Rede Rodoviária Timor-Leste. **REMATA**



Palácio do Governo,
Avenida Presidente Nicolau Lobato,
Dili, Timor-Leste